



# Settlement Engagement and Transition Support (SETS)

## COVID-19 ÓLLA BOLI HÉDMOT ÓKKOL BODÓLLÉ

Har uggwá kelien Settlement Engagement and Transition ót asé itaralla ólla modot solat takibou COVID-19 biyaram ór thaím ót. Kintu hédmot dibar torika bodóllé oficial aramiyot ór moswarar mutabek yé.

Ekhnor butore ,beca beci hédmot douya ókkol kelien ór é telefún ya onlaín loí modot goror. Kiccu kiccu kes ólla hédmot douya ókkol kelien loí doula oí faribou iín ó fouran mosolalla ya onlaín ót hédmot dinafareddé oílé.

Zeí kelien gín bala gori Ingilís hoíno zanéde itaralla Hédmot douyayé telefún ór ór é hotá báñgidoya lain goribou

Ciko **COVID-19 ar alamot or baabote**

### SETS Purugaram hode iba ki?

Settlement Engagement Transition Support (SETS) oíldeki uggwá nencial purugaram ofozotto migran ór settle oíbar zouriyat ór baabote ham gorede. Purugaram ibar moksud oíldeki social ar ekonomir talukat bala goron ar cómaj loí talukat goribolla modot goron.

Eçe diañ jinis asé purugaram ibat:

- *SETS – kelien or hédmot* kelien ór é settlement or babaote maalumát ókkol de, mocwara, bol ar modot ókkol oínno hédmot ór babaote tuaíbolla..
- *SETS – Community Capacity Building* noíya cómaj ór gurup ór é ar organisecion ór é modot gorede také tara nizer cómaj ore modot gori faré fan ar lamba thaím ót positif settlement ór bala notija faíbola .

### SETS ye ki hédmot ókkol de?

SETS yé tuáñare modot gori faribou maalumát dibolla ar mocwara dibolla hoto dillar mamelar baabote mesal fónna ar therenin, Ingilís cikibar ar zuban ór hédmot ókkollor baabote, ham, gor, sehat ar aram, fémlí ar social ór modot, gaçi gura, civik ór talukat ar kanunir mosolar baabote.

Aktiviti ókkol ki ki oít faré hoíle, homework kelab, gaçi solaíbar therenin ór purugaram, beçiyain dor sehat ór babaote ar honó ekkon zanon ór gurup , Ingilís hotá hóibola mouka, ham ór toyarir kors ór baabote fúañti asede ki kengóri Australiat ham tuaíba de yan, interbiur mahiri ar resume leíka.

Cómaj ór gurup ór leader asedé itarare yo modot di faribou také tara nazor cómaj ore modot gori faré fan.

Hédmot douyayé tuáñare oínno hédmot douyar hasé cuwaris gori faribou tuáñar hono ekan mosolar baabote modot goribolla.

### **Añi ofozotto ne hédmot iín faibolla?**

SETS – Har migran oré kelien hédmot ór aktiviti ókkol de, cúruttú cúruttú Australiat fas bosor foóñci bade ketogori iín ót:

- Insaniyot ór laín loí aíccece itara
- Fémlí stream migran hom Ingilís zane de itara
- Honurman migran asedé itarar fémlí zíin gaúñ elakat ar regional elakat asé ar hom Ingilís zané
- Baícce temporary resident (Prospective Marriage ar Provisional Partner visa wala ar tarar toule asedé itara) gaún elakat ar regional elakat ar hom Ingilís zané

SETS – Community Capacity Building ye noya ethnic hosusi re target gore:

- Cómaj ókkol, cómaj ór leader ókkol ar noya cómaj ór wakil, ar
- Oraganisecion hod asedé korporat ór kapasiti itara

### **SETS or hédmot ór baabote añi aro kengóri tuái fajjum?**

SETS ór hédmot douya ókkol tuáñar elakat tuái bolla [eçe](#) zai so ar link yan kulo Hédmot douyar lis ókkol saíbolla. Tuáñar elakar hédmot douya tuái faibadé, meherbani gori tarar websaíth tuái soú. SETS hédmot douya ókkollottu maalumot okkol taíbou tararé kengóri kontek gori faribadé tarar websaíth ót yan ór baabote.